

TERBITAN : DEWAN EKONOMI | INFO CUKAI
KELUARAN : JUN 2025
TAJUK : MENANGANI EKONOMI BAYANGAN
DEMI KESEJAHTERAAN NEGARA

Info Cukai

Oleh: HASIL



Menangani Ekonomi Bayangan demi Kesejahteraan Negara

Dalam landskap ekonomi semasa yang semakin kompleks, kewujudan ekonomi bayangan kini menjadi antara isu utama yang menimbulkan kebimbangan pelbagai pihak. Menurut kenyataan Timbalan Menteri Kewangan, Yang Berhormat (YB) Lim Hui Ying, saiz ekonomi bayangan di Malaysia secara purata dianggarkan sebanyak 21.2 peratus daripada Keluaran Dalam Negara Kasar (KDNK) bagi tempoh tahun 2010 hingga tahun 2019.

Ekonomi bayangan merujuk aktiviti ekonomi yang dijalankan di luar pengetahuan atau pemantauan rasmi pihak berkuasa sama ada secara sengaja atau tidak dan mengelak daripada dikenakan cukai. Fenomena ini bukan sahaja melibatkan perniagaan kecil tidak berdaftar atau pekerjaan dalam sektor tidak formal, malah turut merangkumi transaksi perniagaan berskala besar yang tidak direkodkan, kegiatan penyeludupan serta aktiviti ekonomi digital yang tidak dikawal. Meskipun ada pihak yang melihatnya sebagai alternatif untuk mengurangkan kos operasi dan mengelakkan kerumitan urusan rasmi, pada hakikatnya kegiatan ini menyumbang kepada ketirisan hasil negara dan menjejaskan keadilan dalam sistem percukaian.

Impak Ekonomi Bayangan terhadap Sistem Percukaian

Ekonomi bayangan membawa implikasi besar terhadap keupayaan kerajaan untuk membina asas cukai yang kukuh dan adil. Apabila sebahagian besar aktiviti ekonomi tidak dilaporkan, hasil cukai yang sepatutnya dikutip akan berkurangan. Keadaan ini mewujudkan ketidakseimbangan dengan beban percukaian terpaksa ditanggung oleh golongan pembayar cukai yang patuh. Hal ini bukan sahaja menjejaskan kelestarian fiskal negara, malah boleh menjejaskan tahap kepercayaan rakyat terhadap sistem percukaian sedia ada. Dalam jangka masa panjang, keadaan ini boleh membantutkan pelaksanaan dasar pembangunan dan penyediaan perkhidmatan awam yang bergantung pada hasil pendapatan kerajaan.

Inisiatif HASiL untuk Memperluas Asas Cukai

1. Pemerkasaan Teknologi bagi Pemodenan Sistem Percukaian

Pembesaran asas cukai menjadi suatu keutamaan dalam pentadbiran hasil pendapatan negara. Pendekatan ini memberikan fokus kepada usaha membawa lebih banyak pihak khususnya yang berada dalam sektor tidak formal ke dalam rangka sistem percukaian yang sah. Langkah ini tidak bertujuan untuk menaikkan kadar cukai sedia ada, tetapi lebih kepada memastikan semua pihak yang terlibat dalam aktiviti ekonomi turut memberikan sumbangan kepada negara melalui sistem percukaian yang adil.

Pelbagai inisiatif telah digerakkan oleh Lembaga Hasil Dalam Negeri Malaysia (HASiL) dalam usaha menyokong aspirasi kerajaan untuk memantapkan sistem percukaian negara termasuklah usaha mendigitalkan perkhidmatan percukaian supaya lebih mudah diakses dan mesra pengguna. Sebagai contoh, MyTax merupakan portal rasmi HASiL yang membolehkan urusan rasmi seperti proses pendaftaran dan pelaporan cukai dilakukan secara dalam talian melalui e-Daftar dan e-Filing dengan lebih cepat dan telus.

Selain itu, kerajaan berhasrat melaksanakan e-Invois secara berperingkat sebagai usaha untuk meningkatkan kecekapan pengurusan percukaian negara. Langkah ini selaras dengan hasrat kerajaan untuk menyokong pertumbuhan ekonomi digital, sekali gus memastikan sistem percukaian yang lebih telus, cekap dan berintegriti.

Pelaksanaan e-Invois merupakan langkah penting dalam memodenkan sistem percukaian negara. Usaha ini dijangka memberikan impak besar dengan membolehkan transaksi perniagaan direkodkan secara masa nyata dan dihantar terus kepada HASiL yang meningkatkan ketelusan serta kecekapan dalam pelaporan cukai. Bermula dengan fasa pertama pada bulan Ogos 2024, e-Invois akan diwajibkan kepada kategori pembayar cukai tertentu dan seterusnya diperluas kepada semua menjelang tahun 2026. Sistem ini bukan sahaja dapat membantu mencegah pelarian pelaporan pendapatan, tetapi juga berpotensi meningkatkan kecekapan operasi perniagaan melalui automasi dan pendigitalan aliran kerja.

2. Kolaborasi Strategik antara Agensi untuk Pemantauan Lebih Berkesan

HASiL turut memperkukuh keupayaan pemantauan melalui penggunaan teknologi data raya dan kerjasama pertukaran maklumat antara agensi. Dengan sokongan daripada agensi seperti Jabatan Kastam Diraja Malaysia (JKDM), Suruhanjaya Syarikat Malaysia (SSM), Polis Diraja Malaysia (PDRM), institusi kewangan dan lain-lain, HASiL dapat mengenal pasti entiti atau individu yang berpotensi berada di luar sistem percukaian rasmi. Melalui pendekatan ini, penguatkuasaan dapat dijalankan dengan lebih bersasar dan berkesan dengan berasaskan maklumat yang kukuh tanpa menjejaskan mereka yang telah patuh cukai.

3. Membangunkan Kerjasama dan Kesedaran Cukai dalam Masyarakat

Kejayaan membanteras ekonomi bayangan dan memperluas asas cukai bukan hanya bergantung pada pihak berkuasa semata-mata, bahkan memerlukan kerjasama menyeluruh daripada seluruh masyarakat. Pendidikan dan kesedaran perlu diperkukuh bagi mengubah persepsi orang ramai terhadap cukai daripada sesuatu yang membebankan kepada suatu tanggungjawab kolektif. Pembayar cukai harus sedar bahawa sumbangan mereka menjadi asas kepada pembangunan infrastruktur seperti jalan raya, sekolah, hospital dan kemudahan awam lain yang akan dinikmati oleh seluruh lapisan masyarakat. Dalam masa yang sama, ketelusan dalam pengurusan hasil negara juga perlu dipertingkatkan agar keyakinan terhadap sistem percukaian dapat terus terpelihara.

Sebagai kesimpulan, pembinaan asas cukai yang luas dan mampan memerlukan pendekatan yang menyeluruh bukan sahaja dari aspek penguatkuasaan yang lebih cekap tetapi juga melalui pemerkasaan teknologi serta pemantapan budaya pematuhan cukai secara sukarela. Pelaksanaan e-Invois, kerjasama strategik antara agensi dan usaha digitalisasi perkhidmatan cukai adalah antara langkah penting dalam mencapai matlamat ini. Dengan kerjasama yang kukuh antara rakyat dengan kerajaan, ekonomi bayangan akan dapat dibendung secara berkesan ke arah membina sebuah ekosistem percukaian yang adil, telus dan mampan sekali gus meningkatkan hasil negara demi kesejahteraan bersama.



Menangani Ekonomi Bayangan demi Kesejahteraan Negara

K	U	B	U	A	S	I	A	T	A	R	I	F	C	U	K	M	A	I	E
E	S	E	E	M	A	S	A	N	N	A	L	I	D	A	E	K	N	T	
C	D	I	A	R	E	E	K	O	N	O	M	I	E	M	E	M	B	I	E
I	E	N	U	A	K	N	E	G	A	R	E	E	E	I	G	O	O	S	K
L	F	V	T	H	U	E	U	N	T	U	K	S	A	S	V	D	P	A	N
L	Q	O	O	S	A	X	S	B	E	S	O	R	E	N	T	E	T	T	O
P	U	I	M	I	S	G	Q	A	A	M	N	L	N	I	A	N	I	U	L
Q	U	S	A	A	A	T	V	V	N	I	O	K	A	G	J	K	U	D	O
R	O	K	S	J	A	W	N	T	I	D	A	K	K	N	T	A	I	I	G
A	I	A	I	U	N	A	B	I	A	S	L	L	I	N	I	N	H	D	I
S	E	S	I	N	G	K	H	A	S	I	L	G	D	U	L	U	U	I	I
T	A	U	U	N	A	E	E	P	E	R	K	H	I	D	M	A	T	A	N
B	A	T	A	T	U	L	I	S	A	N	I	N	D	A	H	I	A	P	I
U	U	Y	U	F	Z	V	G	R	T	J	H	I	N	P	M	I	P	O	T
L	A	N	T	A	R	A	N	Y	A	K	I	T	E	S	A	M	A	N	U
B	E	R	K	E	S	A	N	H	A	S	I	L	P	I	I	A	N	G	U

- Aktiviti ekonomi yang dijalankan di luar pengetahuan atau pemantauan rasmi pihak berkuasa sama ada secara sengaja atau tidak adalah merujuk ekonomi bayangan.
- Ekonomi bayangan akan menghakis hasil negara dan menjejaskan _____ dalam sistem percukaian.
- Kesan ekonomi bayangan antaranya beban percukaian terpaksa ditanggung oleh golongan pembayar cukai yang _____.
- HASiL menyokong aspirasi kerajaan untuk memantapkan sistem percukaian negara dengan mendigitalkan _____ percukaian supaya mudah diakses dan mesra pengguna.
- Selaras dengan sokongan terhadap pertumbuhan ekonomi digital, kerajaan berhasrat untuk melaksanakan e-Invois secara berperingkat. Langkah ini penting dalam _____ sistem percukaian negara.
- Sistem e-Invois dapat membantu mencegah pelarian pelaporan pendapatan dan berpotensi meningkatkan kecekapan operasi perniagaan melalui _____ dan pendigitalan aliran kerja.
- Melalui penggunaan _____ data raya dan kerjasama pertukaran maklumat antara agensi, HASiL dapat mengenal pasti entiti atau individu yang berpotensi berada di luar sistem percukaian rasmi.
- Hasil cukai yang sepatutnya dikutip akan berkurangan sekiranya sebahagian besar aktiviti _____ tidak dilaporkan.
- _____ dan kesedaran cukai diperkukuh untuk mengubah persepsi orang ramai terhadap cukai daripada sesuatu yang membebankan kepada suatu tanggungjawab kolektif.
- Ekonomi bayangan akan dapat dibendung secara _____ dengan kerjasama yang kukuh antara rakyat dengan kerajaan.

Peraturan

- Peraduan ini terbuka kepada pembaca majalah *Dewan Ekonomi* berumur antara 15 tahun hingga 40 tahun. Walau bagaimanapun, kakitangan dan ahli keluarga Lembaga Hasil Dalam Negeri Malaysia (LHDNM) serta Dewan Bahasa dan Pustaka (DBP) tidak dibenarkan menyertai peraduan ini.
- Setiap penyertaan mesti disertakan dengan:
 - Nama:
 - Alamat Rumah:
 - Nombor Kad Pengenalan:
 - Nombor Telefon:
 - Nama Bank:
 - Nombor Akaun Bank: (Akaun Milik Peserta)
 - E-mel:
- Jawapan hendaklah dihantar kepada LHDNM selewat-lewatnya pada 30 Jun 2025 melalui e-mel yang berikut:
 - azizi.mamat@hasil.gov.my
 - muhammadhisham@hasil.gov.my
- Pemilihan pemenang adalah berdasarkan "siapa cepat, dia dapat" dan keputusan jawatankuasa adalah muktamad. Sebarang permohonan rayuan atau bantahan yang dikemukakan tidak akan dilayan.

Hadiah Menarik!

"RM100 Menanti Lima Pemenang yang Tepat dan Terpantas!"